

南北史合注

欽定四庫全書

南北史合注卷一百二十一

明 李清撰

北史三十五

明根

高閭

胡叟

胡方回

張湛

段承根

宗欽

闕駟

劉延明

即魏書劉昞

趙柔

索敞

宋

繇

曾孫游道

江式

游雅字伯度小名黃頭廣平任人太武時與勃海高允等俱知名徵拜中書博士後使宋授散騎侍郎稍遷太子少傅受詔與中書侍郎胡方回等改定律制出為東雍州刺史假梁郡公在任廉白甚有惠政徵為秘書監委以國史之任竟無所成

魏書刑罰志曰恭宗監國雅上表曰臣按漢武時啓
河右四郡議諸疑罪適徙之十載年後邊郡充實並
修農戍孝宣因之以服北方此近世事也帝王於罪
人非怒而誅之欲其徙善懲惡適徙之苦其懲亦深
自非大逆正刑皆可從徙雖舉家投遠欣喜赴路力
役終身不敢言苦且遠流分離心或思善則姦邪可
息邊垂足備恭宗善而未行

愚按文成後用源賀言遂行之矣然無知雅先言者

雅性剛慤好自矜誕凌獵人物高允重雅文學而雅輕允才允性寬柔不以為恨允將婚邢氏雅勸允娶其族允不從雅曰人貴河間邢不勝廣平游人自棄伯度我自敬黃頭其貴已賤人皆此類也允著徵士頌殊重雅雅因議論長短忽儒者陳奇遂陷奇至族議者深責之卒贈相州刺史謚曰宣明根字志遠雅從祖弟父幼北燕馮跋假廣平太守明根幼年遭亂為櫟陽王氏奴其主使牧羊明根以漿壺倩人書字路邊書地學之長安

鎮將竇瑾見之呼問知其姓名乃告雅雅使人贖之教
書年十六辭雅歸鄉里於白渠坎為窟讀書積歲雅稱
薦之太武擢為中書學生性寡欲綜習經史文成踐祚
為都曹主事帝以其敬慎每嗟美之假員外散騎常侍
使宋宋孝武稱其長者迎送禮加常使獻文時累遷東
兗州刺史為政清平孝文時為儀曹長清約恭謹號為
稱職

冊府元龜曰孝文嘗集羣官謂之曰近論朝日夕月

皆欲以二分之一日於東郊行禮然月有餘閏行無常
准若一依分日或值月出於東而行禮於西尋情即
禮不可施行昔秘書監薛誦等嘗謂此事以為朝日
以朔夕月以朏二者孰是明根曰宜從朏月

歷儀曹尚書加散騎常侍

魏書曰詔以與蕭贍絕使多年今宜通否明根曰中
絕行人是朝廷所為深築醴陽侵彼境土二三之理
直在於贍我今遣使於理為長從之

遷大鴻臚卿河南王幹師尚書如故又參定律令屢進
諫言明根以年踰七十表求致仕優詔許之

魏書曰高祖引明根入見諭之曰卿年耆德茂服勤
累朝便爾言歸君臣之禮於斯而畢春德思仁情何
可已夫七十致仕典禮所稱但季俗凌遲斯道弗繼
卿居今行古獨秉沖操有魏以來首振頽俗進可光
我朝化退可榮慰私門明根曰臣鐘鳴漏盡待盡私
庭下奉先帝此陛下大恩但犬馬之戀不勝悲塞

引入陳謝悲不自勝帝言別殷勤仍為流涕賜青紗單衣委貌冠被褥錦袍等物其年以司徒尉元為三老明根為五更行禮辟雍賜步挽一乘給上卿祿供食之味大官就第月送以定律令賜布帛等歸本郡又賜安車兩馬幄帳被褥車駕幸鄴明根朝於行宮優詔賜以穀帛敕大官備送珍羞為造甲第園有大事恒璽書訪之舊疾發手詔問疾太醫送藥卒於家宣武弔祭贈賻甚厚贈光祿大夫金章紫綬謚曰靖明根厯官內外五十

餘年處身以仁和接物以禮讓時論貴之孝文初明根
與高閭以儒老學業特被禮遇公私出入每相追隨而
閭以才華時侮明根世號高游馬子肇字伯始孝文賜
名博綜經史延興初遷典命中大夫車駕南伐肇表諫
不納尋遷太子中庶子肇謙素敦重文雅見任以父老
求解官扶持孝文欲令祿養出為本州南安王禎鎮北
府長史帶魏郡太守王薨復為高陽王雍鎮北府長史
太守如故為政清簡加以匡贊厯佐二王甚有聲績以

父憂解任復授黃門侍郎兼侍中為畿內大使黜陟善惡賞罰分明歷太府廷尉卿兼御史中尉黃門如故肇儒者動存名教持法仁平斷獄務於矜恕尚書令高肇宣武之舅百寮懾憚謂肇名與已同欲令改易以孝文所賜執志不許高肇甚銜之宣武嘉其剛梗盧昶在胸山肇諫曰胸山叢爾僻在海濱於我非急於賊為利魏書曰為利故必致死而爭之非急故不得已而戰以不得已之衆肇必死之師恐稽延歲月所費殊甚

假令必得胸山徒致交爭終恐難守

如聞賊將屢以宿豫求易胸山持此無用之地復彼舊有之疆兵役時解其利為大帝將從之尋昶敗遷侍中梁軍主徐玄明斬其青冀二州刺史張援首以郁州內附朝議遣兵赴援肇表以為不宜勞師爭海島地

魏書載肇表曰玄明之款雖奔救是常但六里胸山地實接海郁州又在海中所謂石田無雨且六里於賊逼要去此閒遠以閒遠之兵攻逼要之衆不可敵

也新附之民服化猶近宜安不宜勞勞則怨生怨生則思叛宜捐茲小利不使大損

帝不納及大將軍高肇伐蜀肇又陳願俟後圖

魏書載肇諫曰方今山東闕右殘傷未復頻年水旱百姓空虛宜在安靜不宜勞役且蜀地險隘鎮戍晏然更無異趣豈得承浮說而動大軍舉不慎始悔將何及願俟後圖

又不納孝明即位遷中書令相州刺史有惠政再遷尚

書名僕射聲於吏事斷決不逮主者謫呈反覆至於再三必窮其理然後下筆雖寵勢干請終無迴撓方正之操時人服之及元乂廢靈太后將害太傅清河王懌集公卿會議羣官莫不失色順旨聲獨抗言不可終不下署卒謚文貞聲外寬柔內剛直耽好經傳手不釋卷善周易毛詩尤精三禮為易集解撰冠婚儀白珪論詩賦表啓凡七十五篇謙廉不競曾撰儒基以表其志清貧寡欲資仰俸祿而已為廷尉時宣武嘗敕聲有所降恕

執不從曰陛下自能恕之豈可令臣曲筆其執意如此
及孝明初近侍羣官預在奉迎者自侍中崔光以下並
加封封肇文安縣侯肇獨曰子襲父位今古之常因此
獲封何以自處固辭不應論者高之子祥字宗良頗有
才學位國子博士領尚書郎中孝明以肇昔辭文安封
復欲封祥祥守父志卒不受又追論肇前議清河守正
不屈乃封祥高邑縣侯卒贈給事黃門侍郎幽州刺史

謚曰文

高閭字閭士漁陽雍奴人父洪位陳留王從事中郎閭
早孤少好學博綜經史下筆成章少為車子送租至平
城修刺詣崔浩浩與語奇之使為謝中書監表明日浩
厯租車過駐馬呼閭諸車子皆驚閭本名驢浩乃改為
閭而字焉由是知名和平末為中書侍郎文成崩乙渾
擅權內外危懼文明太后臨朝誅渾引閭與中書令高
允入禁中參決大政與鎮南大將軍尉元南越徐州以
功爵安樂侯獻文即位徙崇光宮閭表上至德頌

魏書載閭頌曰茫茫太極悠悠遐古三皇刑制五帝
垂祐仰察璿璣俯鑒后土雍容端拱惟德是與夏殷
世傳周漢纂烈道風雖邈仍誕明哲爰暨三季下陵
上替九服三分禮樂四缺上靈降鑒思皇反正乃春
有魏配天承命功冠前王德侔往聖移風革俗天保
載定於穆太皇克廣聖度玄化外暢惠鑒內悟遺此
崇高挹彼冲素道映當今慶流後祚明明我皇承乾
紹煥比誦熙周方文隆漢重光麗天晨暉疊旦六府

孔修三辰貞觀功均乾造雲覆雨潤養之以仁敦之
以信綏之斯和動之斯震自東徂西無思不順禎候
並應福祿來格嘉穀秀町素文表石玄鳥呈皓醴泉
流液黃龍蜿蜿遊鱗奕奕冲訓既布率土咸寧穆穆
四門灼灼典刑勝殘豈遠期月有成翹翹東岳庶見
翠旌先民有言千載一泰昔難其運今易其會沐浴
淳澤被服冠帶飲和陶潤載欣載賴文以寫意功由
頌宣吉甫作歌式昭永年唐政緝熙康哉垂篇仰述

徽烈被之管絃

高允以閭文章富逸舉以自代遂為獻文所知參論政事承明初為中書令給事中委以機密文明太后甚重閭詔令書檄碑銘贊頌皆其文也太和三年出師討淮北閭表諫陳四疑

冊府元龜載閭四疑曰淮北城五處皆須攻擊然攻守勢懸未見其利疑一縱使歸心發兵遠入費損轉多若不置城是曰空爭疑二脫不如意當延日月屯

軍聚費疑三天下開泰豈宜盛世干戈妄動疑四

請特速送旆文明太后曰六軍電發有若摧朽何慮四
難遣尚書中書監淮南王他奏求依舊斷祿閣表以為
若不班祿則貪者肆其姦情請者不能自保詔從閣議
孝文又引見王公以下於皇信堂今辯忠佞

魏書載閭對曰竊謂袁盎徹慎夫人席是其忠譖殺
晁錯是其佞帝曰朕所問未然之前卿所對已然之
後

閻曰佞者飾知以行事忠者發心以附道譬如玉石皦然可知帝曰玉石同體異名忠佞異名同理求之於同則得所以異尋之於異則失所以同出處同異之間交換忠佞之境豈皦然易明哉或託佞成忠或假忠飾佞如楚之子綦後事雖忠初非佞也閻曰子綦諫楚初雖隨迷終致忠言此適欲幾諫非為佞也子綦若不設初權後忠無由得顯帝善閻對後上表曰臣聞為國之道其要有五一曰文德二曰武功三曰法度四曰防固五

曰刑賞故遠人不服則修文德以來之荒狡放命則播武功以威之人未知戰則制法度以齊之暴敵輕侵則設防固以禦之臨事制勝則明賞罰以勸之用能開國寧方征伐四克北狄悍愚同於禽獸所長者野戰所短者攻城若以狄之所短奪其所長則雖衆不能成患雖衆不能內逼又狄散居野澤隨逐水草戰則與室家並至奔則與畜牧俱逃是以古人伐北方攘其侵掠而已厯代為邊患者良以倏忽無常故也六鎮勢分倍衆不

關互相圍逼難以制之昔周命南仲城彼朔方趙靈秦始長城是築漢之孝武踵其前事此四代之君皆帝王雄傑所以同此役者非智術不長兵衆不足乃防狄要理宜然也今宜於六鎮之北築長城以禦北鹵雖暫勞乃永逸即於要害往往開門造小城於其側因地却敵多置弓弩狄來有城可守有兵可恃既不攻城野掠無獲草盡則走終始必懲又宜發近州武勇四萬人及京師二萬人合六萬人為武士於苑內立征北大將軍府

選忠勇有志幹者以充其選下置官屬分為三軍二萬人專習弓射二萬人專習刀楯二萬人專習騎稍修立戰場十日一習採諸葛亮八陣法為平地禦敵之方使其解兵革之宜識旌旗之節兵器精堅必堪禦寇使將有定兵兵有常主上下相信晝夜如一七月發六郡兵萬人各備戎作之具敕臺北諸屯倉庫隨近作米俱送北鎮至八月征北部率所鎮與六鎮兵直至磧南揚威漠北狄若來拒與之決戰若其不來然後散分其地以

築長城計六鎮東西不過千里若一夫一月之功當三
步之地三百人三里三千人三十里三萬人三百里則
千里之地強弱相兼計十萬人一月必就運糧一月不
足為多人懷永逸勞而無怨計築長城其利有五罷遊
防之苦利一北部放牧無抄掠之患利二發城觀敵以
逸待勞利三省境防之虞息無時之備利四歲常遊運
永得不遺利五

魏書又載閭表表云又任將之道特須委信閭外之

事有利輒決赦其小利要其大功足其兵力資其給
用然後忠臣盡心征將竭力雖三敗而愈榮雖三背
而彌寵

孝文詔曰比當與卿面論

魏書曰高祖引見羣臣議伐柔然左僕射穆亮曰蠕
蠕頻肆寇擾為惡不悛宜興兵誅之挫其醜勢閭曰
漢時天下一統故得窮追北狄今南有吳寇不宜懸
軍深入帝曰先朝有未賓之酋故屢行征伐朕承太

平之基何為屢動兵革夫兵者凶器不得已而用使
可停也

又詔問為書問柔然時柔然國有喪而書不叙凶事帝
曰卿職典文辭不論彼之凶事若知而不作罪在灼然
若情思不至應謝所任對曰昔蠕蠕主敦素和親其子
屢犯邊境如臣愚見謂不宜弔帝曰敬其父則子悅敬
其君則臣悅卿云不合弔慰是何言歟問遂免冠謝罪
帝曰蠕蠕使弔提小心恭慎同行疾其敦厚恐其還北

必被謗誣晉劉準使殷靈誕每禁下人不為非禮事及
還果被譖愬以致枉刑今書可明年提忠於彼國使而
主知之是年冬至大饗羣臣孝文親舞於太后前羣臣
皆舞帝乃長歌仍率羣臣再拜上壽閭進曰臣聞天子
行孝德被四海今陛下敦行孝道臣等不勝慶踊謹上
千萬歲壽帝天悅又議政於皇信堂閭曰伏思太皇太
后十八條之令及仰尋聖朝所行事周於百揆願終成
其事帝曰刑法者王道所用何者為法何者為刑施行

之日何先何後對曰刑制立會軌物齊衆謂之法犯違
制約致之於憲謂之刑然則法必先施刑必後著帝曰
論語稱冉子退朝孔曰曰何晏也曰有政子曰其事也
何者為政何者為事對曰政者上所行事者下所綜
魏書曰閭以春夏少雨令各上書極陳損益乃言北
鎮新從家業未就思親戀本人有同心宜寬其往來
開雲中馬城之食以賑恤之明察畿甸之民饑甚者
出靈丘下館之粟以救其乏使幽定安并四州之租

隨運以溢其處開闢弛禁恣其東西隨豐逐食又聞
常士困則濫竊生匹婦餒則慈心薄凶儉之年民輕
違犯宜申飭外牧寬其使役急其禁令又一夫幽枉
王道為虧可集京師見囚於都曹重加究察輕者決
遣重者定狀又請罷非急之作放無用之獸皆教有
司施行

後詔問與太常採雅樂以營金石又除鎮南將軍相州
刺史以參定律令之勩賜布帛粟牛馬等

魏書律厯志載閭表曰書稱同律度量衡四者何先以律為首豈不以取法之始求天地之氣故也孔子曰移風易俗莫尚於樂樂者律之本也臣前被敕理樂事以粗舉但年垂七十恐一朝先犬馬使律法長絕太樂祭酒公孫崇聰敏精勤頗長推考故臣舉以教樂今依臣前共所論樂事自作鐘磬志議三卷器數以備可謂世不乏賢今請使崇參知律呂鐘磬之事觸類而長之成益必深又著作郎韓顯宗博聞強

識粗解音律亦令時往參知臣雖在外官竊慕古人
舉善之義詔許之

遷都洛陽閭表諫言遷有十損必不獲已請遷於鄴帝
頗嫌之

愚按孝文遷洛後遂以浸弱惜閭所言十損史不全
錄若遷鄴一議雖格至東魏孝靜遷鄴方驗李罔請
遷長安高閭請遷鄴雖不行於孝文時而它日西東
二魏卒分行其言亦一奇也

雍州刺史曹虎據襄陽親降車駕親幸懸瓠閭表諫洛陽草創既不遣質任必非誠心帝不納虎果虛詐諸將皆無功而還

魏書曰高祖攻鍾離未克欲築城置戍於淮南以撫新附賜閭璽書具論其狀閭言伏承欲留戍淮南招撫新附昔太武皇后以回山倒海之威步騎數十萬南臨瓜步諸郡盡降而盱眙小城攻之弗克班師日兵不戍一郡土不闢一廛夫豈無人以大鎮未平不

可守小故也夫堰水先塞其源伐木必拔其本源不
塞本不拔雖剪枝竭流終不可絕壽陽盱眙淮陰乃
淮南根本三鎮不克其一而留守孤城其不能自全
明矣既逼敵大鎮兼隔深淮之險少置兵則不足自
固多置兵則糧運難充又欲修渠通漕路必由泗口
沂淮而上須經角城淮陰大城舟船素蓄若敵因先
積之資拒我始行之路元戎旋旆兵士挫怯夏雨水
長救援實難忠勇雖奮事不可濟淮陰東接山陽南

通江表西有盱眙壽陽之鎮若必留戍恐為敵擒何
者鎮戍新立懸在異境以勞禦逸以新擊舊而能自
固未之有也昔彭城之後既克大鎮城戍已定而思
叛猶多角城叢爾處在淮北去淮陽十八里五固之
後攻圍厯時卒不能克以今比昔事兼數倍天時向
熱雨水方降願陛下踵太武成規班師還京營皇居
於伊洛蓄力待釁侍中國清穆化被遐裔淮南之鎮
自效可期天安之捷指辰不遠

駕還幸石濟閣朝於行宮帝謂曰朕往年之意不欲決
征但兵士已集恐為幽王之失不容中止遂至淮南而
彼諸將並列州鎮至無所獲實由晚一月日故耳閭曰
古攻戰法倍則攻之十則圍之聖駕親征誠應大捷所
以無大獲良由兵少故也且從都天下大事今京邑甫
爾庶事草創願陛下從容伊瀍實亦不少但未獲耳閭
徒自然樂附帝曰願從容伊瀍實亦不少但未獲耳閭
曰司馬相如臨終恨不封禪今雖江介不賓然中州之

地盡平豈可於聖明之辰而闕盛禮帝曰荆揚未一豈得如卿言也閻以江南非中國且三代之境亦不能遠帝曰淮海惟揚州荆及衡陽為荊州此非近中國乎及駕至鄴孝文頻幸其州館下詔褒揚之閻每請本州自效詔曰閻以懸車之年方求衣錦知進志退有塵謙德可降號平北將軍朝之老成宜遂情願徙授幽州刺史令存勸兼行思法並舉歲餘表求致仕優答不許徵為太常卿頻表陳遜不聽又駕南討漢陽閻上表諫求迴

師帝不納漢陽平賜問璽書問上表陳謝宣武踐阼問
累表遜位優詔

冊府元龜載詔曰問貞幹早聞儒雅素著出納清華
朝之雋老以年及致仕固求辭任宜聽解宗伯遂安
車之禮特加優授崇老成之秩

授光祿大夫金章紫綬使吏部尚書邢巒就家拜授及
辭引見東堂賜以肴羞訪之大政以其先朝儒舊告老
求歸帝為之流涕優詔賜安車几杖與馬繒綵衣服布

帛事從豐厚百僚餞之猶漢羣公祖二疏也閻進陟北
芒上望闕表以示戀慕卒於家謚文貞閻好為文章集
四十卷亦高允之流後稱二高為當時所服閻強果敢
直諫其在私室言裁聞耳及處朝廷廣衆中則談論鋒
起人莫能敵孝文以其文雅每優禮之然貪褊矜慢初
在中書好詈辱諸博士學生百餘人有所干求者無不
受其賄及老為二州乃更廉儉自謹有良牧譽弟悅篤
志好學有美於閻早卒

趙逸字思暉天水人父昌後趙石勒黃門郎逸好學夙
成仕後秦姚興歷中書侍郎後為夏赫連勃勃所幽拜
著作郎太武平統萬見逸所著曰此豎無道安得為此
言作者誰速推之司徒崔浩曰彼之謬述亦子雲美新
耳固宜容之乃止歷中書侍郎赤城鎮將頻表乞免久
乃見許性好墳典白首彌勤年踰七十手不釋卷凡所
著述詩賦銘頌五十餘篇逸兄溫博學有高名為氏王
楊難當府司馬卒于仇池第三子琰字叔起初符氏亂

琰為乳母攜奔壽春年十四乃歸孝心色養餽熟之節必親調之皇興中京師儉其婢簡粟糶之琰遇見切責婢令留輕糶當送子應冀州聘室從者於路遇得一羊行三十里而琰知之令送本處又過路旁主人設羊羹琰訪知盜殺卒辭不食遣人買糶刃得刺六韜命送還刃主刃主高之義而不受琰命委之而去初為兗州司馬轉團城鎮副將還京為淮南主他府長史時禁制甚嚴不聽越關葬於舊兆琰積四十餘年不得葬二親及

蒸嘗拜獻未嘗不嬰慕卒事每逢良辰不受子孫慶賀
年餘耳順而孝思彌篤慨歲月推移遷寔無冀乃絕鹽
粟斷諸饍味食麥而已年八十卒孝文遷都洛陽子應
等乃還鄉葬焉

魏書曰逸族人超宗與弟令勝俱身長八尺有將略
為河南太守多所受納賂北海王詳言之世宗從河
東太守更自修厲清靜愛民卒於官百姓追思之贈
華州刺史謚曰成令勝亦累官弘農太守令勝弟遐

以功歷官征南將軍督巴東諸軍事鎮南鄭時蕭衍將姜修率衆二萬屯羊口姜白龍據南城譚思文據夾口司州刺史王僧炳又頓南安並扇動夷獠規翻南鄭遐率甲士九千所在衝擊數百里中莫不摧靡前後斬首五千餘級還出為滎陽太守時蕭衍將馬仙琕率衆攻圍朐城戍主傅文驥嬰城固守以遐持節為別將與劉思祖等救之次鮑口去朐城五十里夏雨頻降屬涉長驅將至朐城仙琕見遐營壘未就

徑來逆戰思祖率彭沛之衆望陳奔退遐孤軍奮擊
獨破仙琕斬其將李魯生葛景羽等仙琕先分軍於
朐城之西阻水列柵圍固城遐身自潛行觀水深淺
結草為筏銜枚夜進破其六柵遂解固城圍進救朐
城都督盧祖率大軍繼之未幾文驥力竭以城降賊
衆軍大崩祖棄其節傳輕騎走惟遐獨握節而還時
仲冬寒盛兵士凍死者朐山至郟城二百里間僵尸
相屬祖儀衛失盡於郟城借假節為軍威遐坐失利

州貪濁聞於遠近卒贈豫州刺史謚曰襄遐弟叔隆
官於秦州秦州殷富去京懸遠與敕使元修義同心
聚歛納貨巨萬賂司空劉騰由大中大夫出為中山
內史在郡專以貨賄為事懸瓠之役賴族人前軍將
軍趙文相力以免後更與文相絕文相長者不以為
恨及為汝南內史猶經紀叔隆家後文相卒視其子
弟漢如也時論賤薄之

伽藍記又有趙逸非此趙逸也以名氏同故討按逸
自云是晉武時人晉朝舊事多所記錄孝明正光初
至京師見京兆人杜子休宅地形顯敞歎息曰此宅
中朝時太康寺時人未信問寺之由緒逸云龍驤將
軍王濬平吳始立此寺今有三層浮圖用磚為之指
子休園中曰此是故處子休掘驗之果得甄數十萬
兼有石銘云晉太康六年歲次乙巳襄陽侯王濬造
乃服逸言號為聖人好事者遂尋問晉朝京師何如

今日逸曰晉朝民少於今王侯第與今相似又云自永嘉以來二百餘年建國稱王者十有六君皆遊其都邑目見其事國滅後觀其史皆非實錄莫不推過於人引善自向苻生雖好勇嗜酒亦仁而不殺及詳其史天下之惡皆歸焉苻堅自是賢主賊君取位妄書君惡凡諸史官皆此類也又曰當今之人生愚死智惑已甚矣人問其故逸曰生時中人爾及死也碑文墓誌必窮天地大德盡生民能事為君共堯舜連

衡為臣與伊奉等跡牧民之臣浮虎慕其清塵執法
之吏埋輪謝其梗直皆妄言傷正華辭損實當時構
文之士慚逸此言逸指城中暉文里云是晉馬道里
里中數宅皆豐堂崛起高門洞開逸又指太傅李延
實宅是蜀主劉禪宅延實宅東有修和宅是吳主孫
皓宅冀州刺史李韶宅是晉司空張華宅時內有綠
珠樓於是經過者咸想見綠珠容操也寶光寺有三
層浮圖一所以石為基形製甚古逸見而嘆曰此晉

石塔寺也人問其故逸曰晉三十二寺皆湮滅此寺
獨存指園中處曰此是浴室前五步應有井衆僧掘
之果然井雖填塞磚口如釐浴室下猶有石數十枚
逸嘗云吾不解養生自然常壽郭璞常為吾筮云壽
年五百歲今始逾半耳孝明帝聞之命給步挽車一
乘遊於市里所經處多記舊跡三年後遁去莫知所
在愚按逸論史一段可謂切中史筆膏肓但云符
生仁而不殺則當時殺魚遵梁安及其子孫者誰恐

非寔錄

胡叟字倫許安定臨涇人。世為西夏著姓。叟少聰慧。年十三。辯疑釋理。與成人交。論鮮有屈焉。學不師受。

魏書曰。友人勸之。叟曰。先聖之言。精義入神。其惟易乎。末世腐儒。粗別剛柔之位。寧有探賔未兆者哉。就道之義。非在今矣。

披讀羣籍。再閱於目。皆能誦好。屬文既善。典雅之詞。又工。鄙俗之句。以姚氏將衰。遂入長安。觀風化。隱匿名行。

懼人見知時京兆韋祖思少閱典墳多蔑時彥待叟不足叟拂衣出祖思固留之曰當與君論天人之際何遽返乎叟曰論天人者其亡久矣與君相知何夸言若是遂歸主人家賦韋杜二族一宿而成時年十八矣其述前載無違舊美叙中世有協時事而未及鄙黷人皆竒其才畏其筆叟孤飄坎壈未有仕路遂入漢中采梁秦二州刺史馮翊吉翰以叟才士頗相禮接授叟末佐不稱其懷未幾翰遷益州叟隨入蜀時蜀沙門法成率僧

數千人鑄犬六金像宋文帝惡其聚衆將加大辟叟聞之即赴丹陽啓申其美遂免復還蜀法成遺其珍物價值千餘足叟一無所受後入北涼沮渠牧犍遇之不重乃為詩示所知廣平程伯達其略曰羣犬吠新客佞暗排疎賓直途既已塞曲路非所遵望衛惋祝鮀眵楚悼靈均何用宣憂懷託翰寄輔仁伯達見詩謂曰涼州雖地居戎域然自張氏以來號有華風今憲章無虧何祝鮀之有叟曰貴主奉正朔弗淳慕仁義未允吾之擇木

夙在大魏與子暫違非久濶也歲餘牧犍破降叟既先
歸魏朝廷以其識機賜爵始復男家於密雲蓬室草筵
惟以酒自適謂友人金城宗舒曰我此生活似勝焦先
志意所栖謝其高矣文成時召叟及舒並使作檄檄宋
及柔然舒文劣於叟尋歸家不事產業常苦飢貧然不
以為恥養子字螟蛉以自給養每至貴勝門恒乘一特
牛弊韋袴褶而已作布囊容三四斛飲啖醉飽盛餘肉
餅以付螟蛉見車馬榮華者視之蔑如也尚書李敦嘗

遺以財皆無所取初叟一見高允曰吳鄭之交以紆縞
為美談吾子以弦韋為幽贊以此言之彼可無愧也於
允館見中書侍郎趙郡李璨被服華麗叟貧老衣褐璨
頗忽之叟謂曰老子今若相許脫體上袴褶衣帽君欲
作何計也譏其惟假成服璨惕然失色叟少孤每言及
父母若孺子號春秋當祭之前則先求旨酒美膳將其
所知廣甯常順陽馮翊田文宗上谷侯法儁提壺執俎
至郭外空靜處設坐奠拜盡孝思之敬時燉煌汜潛家

善釀酒每節送一壺與叟著作佐郎博陵許赤武河東
裴定宗等謂潛曰再三之惠以為過厚子惠於叟何其
恒也潛曰我恒給祭者以其恒於孝思也論者以潛為
君子矣順陽等數子稟叟獎示頗涉文流高閭曾造其
家遇叟短褐曳柴從田歸舍為閭設濁酒蔬食皆手自
辨然案其館宇卑陋園疇褊局而飯菜精潔醢醬調美
見其二妾並年衰跛眇衣布穿弊閭見其貧以衣物直
十餘疋贈之亦無辭免閭作宣命賦叟為之序密雲左

右皆祇仰其德歲時奉以布麻穀麥叟隨分散之家無
餘財卒無子無家人營主凶事胡始昌迎殯於家葬於
墓次即令弟繼之襲其爵叟與始昌雖宗室性氣殊詭
不相附其存也往來乃簡及亡收恤至厚議者以為非
必敦哀疎宗或緣求利品秩也

胡方回安定臨涇人父義周後秦姚泓黃門侍郎方回
仕夏赫連勃勃為中書侍郎涉獵史籍辭彩可觀為勃
勃統萬城銘蛇祠碑諸文頗行於世太武破赫連昌方

回入魏未為時知後為北鎮司馬為鎮修表有所稱薦
帝覽之嗟美問知方回召為中書博士遷侍郎與太子
少傅游雅等改定律制司徒崔浩及當時朝賢並愛重
之清貧守道以壽終

張湛字子然一字仲玄燉煌深泉人魏執金吾恭九葉
孫為河西著姓父顯有遠量西涼李暠據有西夏引為
功曹甚器異之嘗稱曰吾臧子原也位酒泉太守湛弱
冠知名涼土好學能屬文冲素有大志仕北凉沮渠蒙

遜位兵部尚書涼州平拜寧遠將軍賜爵南浦男司徒
崔浩識而禮之浩注易叙曰國家西平河右燉煌張湛
金城宗欽武威段承根三人皆儒者並有雋才見稱西
州每與余論易余以左氏傳卦解之遂相勸為解注故
為之解其見稱如此湛至京師家貧不立操尚無虧浩
常給其衣食薦為中書侍郎湛知浩必敗固辭每贈浩
詩頌言多箴規浩亦欽敬其志每常報答極推崇之美
浩誅湛懼悉火之閉門却掃慶弔皆絕以壽終兄銑字

懷義閒粹有才幹亦仕沮渠蒙遜位建昌令性至孝母
憂哀毀過人服制雖除而蔬糲弗改崔浩禮之與湛等
卒於征西參軍孫通博通經史沈冥不預時事頓丘李
彪欽其學行與之遊款及彪用事言於中書令李冲冲
召見甚器重之太和中徵中書博士中書侍郎永平中
又徵汾州刺史皆不赴終於家通四子徹麟儉鳳皆傳
家業知名於世鳳位國子博士散騎常侍著五經異同
評十卷為儒者所稱

段承根武威姑臧人自云漢太尉頽九世孫父暉字長祚身八尺餘師事歐陽湯湯甚器愛之有一童子與暉同志後二年童子辭歸從暉請馬暉戲作木馬與之童子甚悅謝暉曰吾太山府君奉敕游學今將歸損子厚贈無以報德子後至常伯封侯非報也且以為好言終乘馬騰虛而去暉自知必貴仕西秦乞伏熾盤為御史大夫熾盤子慕末襲位政亂暉父子奔吐谷渾慕璿慕璿內附暉與承根歸魏太武至長安人告暉欲南奔云

置金馬羈中帝密遣視之果如告者言斬於市暴尸數日時有儒生京兆林白奴欽暉德音夜竊其尸置之枯井女為燉煌張氏婦聞之乃向長安收葬

愚按承根此時何在父尸不收乃委之他人與女即此為薄行第一事且父戮子仕獨不聞王褒終身不向朝廷坐乎而況仕也其及禍宜哉

承根好學機辯有文思而性行疎薄司徒崔浩見而奇之與同郡陰仲達俱被浩引以為俱涼土文華才堪注

述言之太武請為著作郎引與同事世咸重承根文而
薄其行甚為燉煌李寶所敬待

魏書載承根與寶詩曰世道哀陵淳風殆緬衡交問

鼎路盈訪壘絢競爭馳天機莫踐不有真宰榛棘誰

揃其於皇我后重明襲煥文以息煩武以靜亂剖蚌

求珍搜巖采幹野無投綸朝盈逸翰其自昔涼季林

焚洲涸矯矯公子鱗羽靡託靈慧雖奮袂氣未廓風

戢崑丘龍潛玄漠其數不常擾艱極則夷奮翼幽裔

翰飛京師珥蟬紫闥杖節方畿弼我王度庶績緝熙

四其自余幽淪春參舊契庶庇餘光優游卒歲忻路未

淹離轡已際顧難分歧載張載繼五其聞諸交舊累聖

疊曜淳源雖漓民懷餘劭思樂哲人靜以鎮躁藹彼

繁音和此清調六其詢下曰文辨訐曰明化由禮治政

以寬成勉崇仁教播德簡刑傾首景風遲聞休聲七其

浩誅承根與宗欽等俱死

宗欽字景若金城人少好學有儒者風仕北涼沮渠蒙

虛擬廣闢四門披延髦士其四爾應其求翰飛東觀口

吐瓊書手揮霄翰彈毫珠零落紙錦梁墳無疑割典

無滯泮其五山降則謙含柔為信林崇日漸明升斯進

有邈夫子兼茲四慎弱而難勝通而不峻其六南薰邈

矣史功不申固傾佞竇雄穢美新

愚按雄穢美新一語欽已先朱熹言之矣人無知

者

遷以陵腐豈由卓氏時無逸勒路盈摧輪其七尹佚謨

周孔明述魯抑揚羣致憲章三五昂昂高生纂我遐

武勿謂古今建規易矩其八自昔索居沈淪西藩風馬

既殊標榜莫緣開通有運閭遇當年披衿暫面定交

一言其九諮疑秘省訪滯京都水鏡叔度洗吝田蘇望

儀神婉即象心虛悟言禮樂採研詩書其十履霜悼遷

撫節感變嗟我年邁迅踰激雷進乏由賜退非回憲

素髮掩玄枯顏落舊其十一文以會友友由知己詩以

明言言以通理眇坎迷流覲艮閭止伊爾虬光四鱗

曲水其十允答書曰頃因行李承足下高問延佇之

勞為日久矣王途一啓得叙其懷欣於相遇情無有
已足下兼愛為心每能存顧養以風味惠以德音執
翫反覆銘於心抱吾少乏尋常之操長無老成之致
憑賴賢勝以自克勉而來喻褒飾有過其分既承雅
贈即應有答但唱高則難和理深則難酌所以留連
日月以至於今今往詩一篇誠不足標明來旨且表
以心幸恕其鄙滯頌其至意詩曰湯湯流漢藹藹南

都載稱多士載擢靈珠邈矣高族世記丹圖啓基郢

城振彩涼區其吾生朗到誕發英風紹熙前緒奕世

克隆方圓備體淑德斯融望傾羣雋響駭華戎其響

駭伊何金聲允著匡贊西藩拯厥時務肅志勤書恬

心初素潛思淵渟秀藻雲布其上天降命祚鍾有代

協耀紫宸與乾作配仁邁春陽功隆覆載招延隱叟

永貽大賚其伊余櫟散才至庸微遭緣幸會忝與樞

機竊名華省厠足丹墀愧無螢燭少益天暉其明升

非諭信漸難兼體卑處下豈曰能謙進不弘道退失

淵潛既慙朱闕亦愧閭閻其六史班稱達楊蔡致深負

荷典策載蹈於心四轍同軌覆車相尋敬承嘉誨永

佩明箴其七遠思古賢內尋諸已仰謝丘明長揖南史

遐武雖存高蹤難擬夙興夕惕豈獲恬止其八世之圯

矣靈運未通風馬殊隔區域異封有懷西望路險莫

從王澤遠洒九服來同其九在昔平吳二陸稱實今也

克涼吾生獨矯遂映儒林義為羣表我思與之均於

紆綺其仁乏田蘇量非叔度韓生屬降林宗仍顧千

載曠遊遊茲一遇藻詠風流鄙心已悟其十年時迅

邁物我俱逝任之斯通擁之則滯結駟貽塵屢空亦

敝兩間可寄安有回賜其十詩以言志志以表丹慨

哉刎頸義已中殘雖曰不敏請事金蘭爾其勵之無

忘歲寒

在河西撰蒙遜記十卷無可稱

闕駟字玄陰燉煌人父政有名西土位會稽令駟博通

經傳敏過人三史羣言經目則誦時謂之宿讀注王
朗易傳撰十三州志北涼沮渠蒙遜甚重之常侍左右
訪以政治損益拜秘書考課郎中給文吏三十人典校
經籍判定諸子三千餘卷收捷待之彌重拜大行臺遷
尚書及姑臧平樂安王丕鎮涼州引為從事中郎王薨
還京師家貧不免饑寒性能多食一飯至三升乃飽卒
無後

劉昞字延明

北史以避唐世祖兩廟號故隱其名余依魏書改之
燉煌人父寶字子玉以儒學稱兩年十四就博士郭瑀
瑀弟子五百餘人通經業者八十餘人瑀有女始笄妙
選良偶有心於兩遂別設一席謂弟子曰吾有一女欲
覓一快婿誰坐此席者吾當婚焉兩遂奮衣坐神志湛
然曰兩其人也瑀以女妻之兩後隱居酒泉不應州郡
命弟子受業者五百餘人西涼李晟徵為儒林祭酒從
事中郎晟好尚文典書史穿落者親自補葺兩時侍側

請代其事。嵩曰：躬自執者，欲人重此典籍。吾與卿相遇，何異孔明會玄德？遷撫夷護軍，雖有政務，手不釋卷。嵩曰：卿注記篇籍，以燭繼晷，白日且然，夜何休息？昞曰：朝聞道，夕死可矣。不知老之將至，孔聖稱焉。昞何人，斯敢不如此？昞以三史文繁，著略記百三十篇。八十四卷燉煌寶錄二十卷，方言三卷，靖恭堂銘一卷，注周易韓子人物志黃石公三略，行於世。蒙遜平，酒泉拜秘書郎，專管注記。築陸沈觀於西苑，躬往禮焉。號玄處先生，學徒

數百月致羊酒牧犍尊為國師親自致拜命官屬以下
皆北面受業時同郡索敞陰興為助教並以文學見稱
每巾衣而入太武平涼州士庶東遷風聞其名拜樂平
王丕從事中郎詔諸年七十已上聽留本鄉一子扶養
兩時老矣在姑臧歲餘思鄉而返至涼州西四百里韭
谷窟疾卒太和十四年尚書李冲奏兩河右碩儒今子
孫泥出未有祿潤賢者子孫宜蒙顯異遂除其一子為
郢州雲陽令正光三年太保崔光奏曰故樂平王從事

中郎燉煌劉昞著業涼城遺文在茲如或愆勞當蒙數
世之宥況乃維祖逮孫相去未遠而令久淪阜隸不獲
收異儒學之士所為竊歎乞敕尚書推檢所屬甄免碎
役敦化厲俗於是乎在詔曰太保啓陳深合勸善其孫
等三家特可聽免河西人以為榮

趙柔字元順金城人少以德行才學知名河右北涼沮
渠牧健時為金部郎太武平涼州內徙京師歷著作郎
河內守甚著仁惠柔當在路得人所遺金珠一貫價值

數百緤柔呼主還之後有人遺柔鐸數百枚柔與子善
明鬻之市有人從柔買柔索絹二十疋有商人知其賤
與柔三十疋善明欲取之柔曰與人交易一言便定豈
可以利動心遂與之搢紳之流聞而敬服隴西王源賀
采佛經幽旨作祇洹精舍圖偈六卷柔注解之為當時
俊僧所欽味又憑立銘讚頗行於世

索敞字巨振燉煌人為劉昶助教專心經籍盡傳昶業
涼州平入魏以儒學為中書博士京師貴遊之子皆敬

憚威嚴多所成益前後顯達位至尚書牧守者數十人
皆受業於敞敞以喪服散在衆篇遂撰此為喪服要記
出補扶風太守在位清貧卒官時舊同學生等為請謚
詔贈涼州刺史謚曰獻初敞在涼州與鄉人陰世隆文
才相友世隆至京被罪徙和龍屈上谷困不前達士人
徐能抑掠為奴敞行至上谷遇世隆對泣而別敞為訢
理得免世隆子孟貴性至孝每向田芸耨早朝拜父來
亦如之鄉人欽焉

宋繇字體業燉煌人世仕張氏父僚前涼張玄靚武興
太守繇生而僚為張邕所誅五歲喪母事伯母張氏以
孝聞八歲張氏卒居喪遇禮喟然謂妹夫張彥曰門戶
傾覆負荷在繇不銜膽自厲何以繼承先業遂隨彥至
酒泉延師就學閉戶讀書晝夜不倦博通經史後涼呂
光時舉秀才除郎中後奔段業為中散騎常侍以業無
遠略奔西梁李嵩厯位通顯家無餘財雖在兵革間講
誦不廢每聞儒士在門常倒屣出迎引談經籍尤明決

斷時事亦無滯也北京沮渠蒙遜平酒泉於縣室得書
數千卷鹽米數十斛歎曰孤不喜克李氏欣得宋繇拜
尚書吏部郎中委以銓衡蒙遜將死以子牧犍託之牧
犍以為左丞送其妹興平公主於京太武拜繇河西王
右丞相錫爵清水公及平涼州從牧犍至京師卒謚恭
公曹孫稚性清嚴居家如官位勃海太守子遊道弱冠
隨父在郡父亡吏民贈遺一無所受事母以孝聞與叔
父別居叔父為奴誣以構逆遊道誘殺之魏廣陽王深

北伐請為鎧曹及刺史定州又以為府佐廣陽為葛榮
所殺城陽王徽誣其降賊收錄妻子遊道為訴得釋與
廣陽子迎喪返葬中尉酈善長嘉其節氣引為殿中侍
御史臺中語曰見惡能討宋遊道孝莊即位除左兵中
軍為尚書令臨淮王彧譴責遊道乃執版長揖曰下官
謝王暕不謝王理即日詣闕上書曰徐州刺史元孚頻
有表云偽梁廣發士卒圖彭城乞增羽林三千以孚宗
室重臣告請應實所以量奏給武官千人乎今代下以

路阻自防遂納在防羽林八百人辭云疆境無事乞將
還家臣忝局司深知不可尚書令臨淮王彧即孚兄子
遣省事謝遠三日八度逼迫臣云宜依判許臣不敢附
下罔上孤負聖明但孚身在任乞師相繼及其代下使
請放還進退為身無憂國意所請不合其罪下科彧乃
召臣於尚書都堂云卿一小郎憂國之心豈厚於我醜
罵溢口不顧朝章右僕射臣爾朱世隆吏部郎中臣薛
琠已下百餘人並皆聞見臣實獻直言忠臣奉國事在

清宮以迎篡賊鄭先護立義廣州王復建旗往討趣惡如流伐善何速今得冠冕百寮乃欲為私害政為臣此言或賜怒更甚臣既不佞干犯貴臣乞解郎中帝召見遊道嘉勞之或亦奏言臣忝冠百寮遂使一郎攘袂高聲肆言頓挫乞解尚書令帝乃下敕聽解臺郎後除司州中從事時將還鄴會霖雨行旅擁於河橋遊道於幕下朝夕宴歌行者曰何時節而作此聲因大癡遊道應

曰何時節而不作此聲亦大癡後齊神武自太原來朝見之曰此人是遊道邪常聞其名今日始識其面遷遊道別駕後日神武之司州饗朝士舉觴屬遊道曰飲高歡手中酒者大丈夫卿之為人合飲此酒及還晉陽百官辭於紫陌神武執遊道手曰甚知朝貴中有憎忌卿者但用心莫懷畏慮當使卿位與相似啓以遊道為中尉文襄執請乃以吏部郎中崔暹為御史中尉以遊道為尚書左丞文襄謂暹遊道曰卿一人處南臺人人處

北省使天下肅然遊道入省劾太師咸陽王坦太保孫
騰司徒高隆之司空侯景錄尚書元弼尚書令司馬子
如官貸金銀催徵酬價雖非指事賍賄終是不避權豪
又奏駁尚書違失數百條省中豪吏王儒之徒並鞭斥
之始依故事於尚書省立門名以記出入早晚令僕已
下皆側目魏安平王坐事亡章武二王及諸王妃太妃
是其近親者皆被徵責都官郎中畢義雲主其事有奏
而禁有不奏輒禁者遊道判下庭尉科罪高隆之不同

於是反誣遊道厲色挫辱已遂枉拷羣令史證成之與
左僕射襄城王旭尚書鄭述祖等上言曰飾偽亂真國
法所必去附下周上王政所不容謹按尚書左丞宋遊
道名望本闕功績何紀屬永安之始朝士亡散乏人之
際叨竊臺郎躁行蹈言肆其姦詐空識名義不顧典文
入鄙其心衆畏其口出州入省厯忝清資而長惡不悛
曾無忌諱毀譽由已憎惡任情比因安平王事遂肆其
褊心因公報隙與郎中畢義雲遙相糾舉又左外兵郎

中魏叔道牒云局內降人左澤等為京畿送省令取保
放出大將軍在省日判聽遊道發怒曰往日官府成何
物官府將此為例又云乘前旨格成何物旨格依事請
問遊道並皆承引案律對捍詔使無人臣禮大不敬者
死對捍使者尚得死坐况遊道吐不臣之言犯慢上之
罪口稱夷齊心懷盜跖欺公賣法受納苞苴產隨官厚
財與位積雖脏汙未露而姦詐如是舉此一隅餘詐可
驗今依禮據律處遊道死罪時次襄聞其與隆之相抗

謂楊愔曰此真鯁直大剛惡人愔曰譬之畜犬本取其
吠今以數吠殺之將將來無復吠犬詔付廷尉遊道坐
除名文襄使元景康謂曰卿早逐我向并州他經不忍
略殺卿遊道從至晉陽以為大行臺吏部又以為太原
公洋開府諮議參軍及平陽公為中尉遊道以諮議領
治書御史尋以本官兼司徒左長史文襄疑黃門郎溫
子昇知元瑾謀繫諸獄餓死棄屍路隅遊道收葬之文
襄謂曰吾近書與京師諸貴論及朝士云卿僻於朋黨

將為一病今卿真是重舊節義人子昇吾本不殺之卿
葬之何憚天下人代卿怖者是不知吾心也尋除御史
中尉東萊王道習參御史選限外投狀道習與遊道有
舊使令史受之文襄怒收遊道判之曰遊道稟性適悍
是非肆口吹毛洗垢瘡痍人物往與郎中蘭景雲忿競
列事十條及加推窮便是虛妄方共道習陵侮朝典法
官而犯特是難原宜付省科遊道被禁獄吏欲為脫枷
游道不肯曰此令公命著不可輒脫文襄聞而免之游

道抗志不改天保元年以游道兼太府卿乃於少府覆
檢主司盜截得鉅萬計姦吏反誣奏之下獄尋得出不
歸家徑之府理事卒遺令薄葬不立碑表不求贈謚贈
瓜州刺史武平中以子士素久典機密重贈儀同三司
謚貞惠游道剛直疾惡如讎見人犯罪皆欲致之極法
彈糾見事又好察陰私問獄察情捶撻嚴酷兗州刺史
李子貞在州貪暴游道案之文襄以子貞預建義勲意
將舍忍游道疑陳元康為其內助密啓云子貞元康交

游恐別有請屬文襄怒於尚書都堂集百寮撲殺子貞
又兗州人為游道生立祠堂像題曰忠清君游道別効
吉寧等五人同死有欣悅色朝士甚鄙之然重交游存
然諾厯官嚴整而時大納賄分及親故艱匱者其男女
孤弱為嫁娶之臨喪必哀躬親營視為司州綱紀與牧
樂昌西河二王乖忤及二王薨每事經恤之與頓丘李
獎一面便定死交獎曰我年位已高會用弟為佐史令
弟北面於我足矣游道曰不能既而獎為河南尹辟游

道為中正使者相屬以衣帢待之握手歡譔北海王顥
入洛獎受其命出使徐州都督元孚與城人趙紹共殺
之游道為獎訟寃得雪又表為請贈迴已考一汎階以
益之又與劉廙

北齊書作尉廙

結交後廙坐事伏法洛陽其弟粹以徐州叛官軍討平
之臬粹首鄴市孫騰使客告市司得五百匹後聽收游
道時為司州中從事令家人作劉粹所親於州陳訴依

律判許而秦之教至市司猶不許游道杖市司勒使速付騰聞大怒游道立理抗之既收粹尸厚加贈遺李獎二子構訓居貧游道後令其求三富人死事判免之凡得錢百五十萬盡入構訓其使氣黨俠如此時人語曰游道獼猴面陸操科斗形意識不關見何謂醜者必無情構嘗因游道會客因戲之曰賢從在門外大好人宜自迎接為通名稱族弟游山游道出見之乃獼猴而衣帽也將與構絕構謝之豁然如舊游道死後構為定州

刺史游道第三子士遜為墨曹博陵王管記與典籤共
誣奏構構於禁所祭游道而訴士遜晝卧如夢者見游
道怒已曰我與構思義汝豈不知何共小人謀陷清直
之士士遜驚跪曰不敢不敢旬日卒游道每戒其子士
素士約士慎等曰吾執法大剛數遭屯蹇性自如此子
孫不足師之諸子奉父言柔和謙遜士素沈密少言有
才識稍遷中書舍人趙彥深引入內省參典機密厯中
書黃門侍郎遷儀同三司散騎常侍恒領黃門侍郎自

處機要近二十年周慎溫恭甚為彥深所重初祖珽知
朝政出彥深為刺史珽奏以士素為東郡守中書侍郎
李德林白珽留之由是還除黃門侍郎共典機密士約
亦為善士官尚書左丞

江式字法安陳留濟陽人六世祖瓊字孟琚晉馮翊太
守善蟲篆詁訓永嘉大亂瓊棄官投張軌子孫因居涼
土世傳家業祖強字文威涼州平內徙代京上書三十
餘條法各有體例又獻經史諸子千餘卷拜中書博士

卒贈敦煌太守父紹興高允奏為秘書郎掌國史二十餘年以謹厚稱卒於趙郡太守式少專家學數年中常夢兩人時相教授及寤每有記識初拜司徒長史兼行參軍檢校御史尋除符節令以書文昭太后尊號謚冊除奉朝請仍符節令篆體尤工洛京宮殿諸門板題皆式書也延昌三年三月式表曰臣聞伏羲氏作八卦列其畫軒轅氏興靈龜彰其彩古史蒼頡覽二象之文觀鳥獸之迹別翔文字以代結繩用書契以維事宣之王

迹則百工以叙載之方冊則萬品以明迄於三代厥體頗異雖依類取制未能殊倉氏矣故周禮八歲入小學保氏教國子以六書一指事二象形三形聲四會意五轉注六假借蓋是史頡遺法及宣王太史史籀著大篆十五篇與古文或同或異時謂籀書孔子修六經左丘明述春秋皆以古文厥意可得而言其後七國殊軌文字乖別暨秦兼天下丞相李斯乃奏蠲罷不合秦文者斯作倉頡篇車府令趙高作爰歷篇太史令胡毋敬作

博學篇皆取史籀大篆頗有省改所謂小篆也於時秦
焚經書滌除舊典官獄繁多以趣約易始用隸書古文
由此息矣隸書者始皇使下杜人程邈附於小篆所作
也世人以邈徒隸即謂隸書故秦有八體一大篆二小
篆三符書四蟲書五摹印六署書七父書八隸書漢興
有尉律學復教以籀書又習八體試之課最以為尚書
吏吏民上書省字不正輒舉劾焉又有草書莫知誰始
考其書形雖無厭誼亦一時變通也孝宣時召通倉頡

讀者獨張敞從受之涼州刺史杜業沛人爰禮講學大
夫秦近亦能言之孝平時徵禮等百餘人說文字於未
央宮以禮為小學元士黃門侍郎楊雄採以作訓纂篇
及亡新居攝自以運應制作大司馬甄豐校文字之部
頗改定古文時有六書一古文孔子壁中書也二奇字
即古文而異者三篆書云小篆也四佐書秦隸書也五
繆篆所以摹印也六鳥蟲所以幡信也壁中書者魯恭
王壞孔子宅而得尚書春秋論語孝經也又北平侯張

倉獻春秋左氏傳書體與孔氏類即前代古文矣後漢
郎中扶風曹喜號工篆小異斯法而甚精巧自是後學
皆其法也又詔侍中賈逵修理舊文殊藝異術王敎一
端苟有可加於國者靡不悉集逵即汝南許慎古學之
師也後慎嗟時人好奇歎俗儒穿鑿故撰說文解字十
五篇首一終亥各有部屬世間人事莫不備載可謂類
聚羣分雜而不越文質彬彬最可得而論也左中郎將
陳留蔡邕採李斯曹喜法為古今雜形詔於太學立石

欽定四庫全書

卷一百二十一

碑刊載五經題書楷法多邕書後開鴻都書畫奇能莫
雲集時諸方獻篆無出篆者魏初博士清河張揖著埤
倉廣雅古今字詁究諸埤廣綴拾遺漏增長事類抑亦
於文為益者然其字詁方之許慎篇古今體用或得或
失陳留邯鄲淳亦與揖同時博開古藝特善倉雅許氏
字指八體六書精究閒理有名於揖以書教諸皇子又
建三字石經於漢碑西其文蔚煥三體復宣校之說文
篆隸大同而古字小異又有京兆韋誕河東衛覲二家

並號能篆當時臺觀榜題寶器之銘悉是誕書咸傳之
子孫世稱其妙晉世義陽王典祠令任城呂忱表上字
林六卷尋其况趣附託許慎說文而按偶章句隱別古
籀奇惑之字文得正隸不差篆意悅弟靜別放故左校
令李登聲類之法作韻集五卷使宮商角徵羽各為一
篇而文字與兄便是魯衛音讀楚夏時有不同皇魏承
百王之季文字改變篆形謬錯隸體失真俗學鄙習復
加虛造巧談辯士以意為疑炫惑於時難以釐改乃曰

追來為歸巧言為辯小兒為醜神虫為蠶如斯甚衆皆不合孔氏古文史籀大篆許氏說文石經三字凡所闕古莫不惆悵嗟夫文字者六籍之宗王教之始前人以垂今今人所以識古臣六祖祖瓊家世陳留往晉之初與從父兄俱受學於衛覬古篆之法倉雅方言說文之誼當時並收善譽而臣祖遇洛陽亂避地河西數世傳習斯業所以不墜太武皇帝太延中牧犍內附臣亡祖文威杖策歸國奉獻五世傳掌之書古篆八體之法

時蒙袞錄叙列於儒林官班文省家號世業臣識學庸
薄漸漬家風有忝無顯是以敢籍六世之資遵祖考之
訓竊慕古人之軌企踐儒門之轍求撰集古來文字以
許慎說文為主及孔氏尚書五經音注籀篇爾雅三倉
凡將方言通俗文祖文宗有六書之誼者以類編聯文
無復重統為一部其古籀奇或俗隸諸體咸使班於篆
下各有區別詁訓假借之誼僉隨文而解音讀楚夏之
聲並逐字而注所不知闕如也脫蒙遂許冀省百氏之

觀同文字之域典書秘書所須之書乞垂敕給并學士
五人嘗習文字者助臣披覽書生各五人專令抄寫侍
中黃門國子祭酒一月一監評議疑隱庶無紕繆所撰
名目伏聽明旨詔曰可如所請其有所須依請給之名
目待書成重聞式於是撰集字書號曰古今文字凡四
十卷大體依許氏說文為本上篆下隸正光中兼著作
郎卒官贈巴州刺史其書竟未能成式兄子征鹵將軍
順和亦工篆書先是太和中兗州人沈法會能隸書宣

武在東宮敕法會侍書後以隸迹見知閭里者甚衆然
未有如崔浩之妙也

論曰游雅才業亦高允之亞至於陷族陳竒斯所以絕
世而莫祀明根雅道儒風終受非常之遇以太和之盛
有乞言之重抑乃曠世一時肇始聿修克隆堂構正清
梗概顛沛不渝辭爵主幼之年抗節臣權之日顧視羣
公其風固已遠矣高閭發言有章句下筆富文詞故能
受遇累朝見重明主挂冠謝事禮備懸與美矣趙逸文

雅自業琰加之孝義可謂世有人焉胡叟顯晦之間優游無悶亦一代之異人歟胡方回張湛段承根闕駟劉延明趙柔索敞皆通涉經史才志不羣價重西州有聞東國故流播之中自拔泥滓人之不可以無能信也宋繇處屈能申終致顯達游道剛直自立任使為累江式能世其業亦足稱云

南北史合注卷一百二十一